

ხელშეკრულება №01/14/124
სახელმწიფო შესყიდვის შესახებ
(ელექტრონული ტენდერი აუქციონის გარეშე NAT170009376)

ქ. თბილისი

13 სექტემბერი, 2017 წელი

სსიპ „საჯარო რეესტრის ეროვნული სააგენტო“, შემდგომში წოდებული „შემსყიდველად“, წარმოდგენილი შესყიდვების სამსახურის უფროსის ვახტანგ შავგულიძის სახით და შპს „ფორსი“, შემდგომში წოდებული „მიმწოდებლად“, წარმოდგენილი დირექტორის ლაშა ჯავახიშვილის სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა

- 1.1 „ხელშეკრულება სახელმწიფო შესყიდვის შესახებ“ 9შემდგომში - „ხელშეკრულება“0 - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 „საქონელი“ - ხელშეკრულების მე-2 მუხლით გათვალისწინებული საქონელი.
- 1.7 „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

- 2.1 ხელშეკრულების საგანია საჯარო რეესტრის ეროვნული სააგენტოს ბალანსზე რიცხული პრინტერებისათვის თავსებადი კარტრიჯების სახელმწიფო შესყიდვა (CPV-30125100).
- 2.2 საქონლის დასახელებები და რაოდენობები მოცემულია მიმწოდებლის მიერ წარმოდგენილ ფასთა ცხრილში (დანართი №1).

3. ხელშეკრულების ღირებულება

- 3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №1) შესაბამისად და შეადგენს 62 900.00 (სამოცდაორი ათას ცხრაასი) ლარს.
- 3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1. მიმწოდებელი ვალდებულია:

- ა) განახორციელოს საქონლის მიწოდება ხელშეკრულების გაფორმებიდან 25 (ოცდახუთი) კალენდარული დღის ვადაში, შემდეგ მისამართზე: ქ.თბილისი, წმ.ნიკოლოზის/წ.ჩხეიძის ქ.№2;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზების გამოსწორება;
- გ) ხელშეკრულების 4.3 პუნქტის „ა“ ქვეპუნქტით განსაზღვრული შემთხვევისას შემსყიდველის მოთხოვნიდან არაუგვიანეს 5 (ხუთი) სამუშაო დღის ვადაში საკუთარი ხარჯებით უზრუნველყოს აღნიშნული კომპიუტერული

ტექნიკის სრულფასოვანი შეკეთება, ხოლო დაზიანებული კომპიუტერული ტექნიკის ახლით ჩანაცვლების საჭიროების შემთხვევაში, 15 (თხუთმეტი) სამუშაო დღეში მოახდინოს მწყობრიდან გამოსული კომპიუტერული ტექნიკის ახლით ჩანაცვლება.

დ) შესასყიდი საქონელი სავალდებულოა იყოს ახალი, არაადდგენილი, ქარხნული შეფუთვით, მოთავსებული მწარმოებლის ბრენდ-კოლოფში.

ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

4.3 შემსყიდველი უფლებამოსილია:

ა) 2017 წლის განმავლობაში, ნებისმიერ დროს, საოფისე ტექნიკას ჩაუტაროს ტექნიკური დათვალიერება და თუ აღმოჩნდება, რომ მოწოდებულმა კარტრიჯ(ებ)მა დააზიანა შემსყიდველის კუთვნილი კომპიუტერული ტექნიკა, მოთხოვოს არაუგვიანეს 5 (ხუთი) სამუშაო დღეში საკუთარი ხარჯებით უზრუნველყოს აღნიშნული კომპიუტერული ტექნიკის სრულფასოვანი შეკეთება, ხოლო დაზიანებული კომპიუტერული ტექნიკის ახლით ჩანაცვლების საჭიროების შემთხვევაში, 15 (თხუთმეტი) სამუშაო დღეში მოახდინოს მწყობრიდან გამოსული კომპიუტერული ტექნიკის ახლით ჩანაცვლება.

5. ინსპექტირება

5.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

5.2 ინსპექტირება განახორციელდება სააგენტოს სამეურნეო სამსახურის სპეციალისტის ზაზა პეტრიაშვილის მიერ.

5.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

5.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია დაუყოვნებლივ (არაუგვიანეს 3 სამუშაო დღე) უზრუნველყოს წუნის აღმოფხვრა წუნდებული საქონლის ახალი საქონლით ჩანაცვლებით.

6. საქონლის მიღება-ჩაბარების წესი

საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

დ) დაფინანსების წყარო: 2017 წლის საკუთარი შემოსავლებით მიღებული სახსრები.

7.2 შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის, წარმოდგენილი სასაქონლო ზედნადების და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან წარმოდგენილი შესაბამისი ცნობის საფუძველზე, მიღება-ჩაბარების აქტის გაფორმებიდან 10 სამუშაო დღეში.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა

გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულების 13.1, 5.4 პუნქტებით და 4.1 „გ“ ქვეპუნქტებით განსაზღვრული ვადების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,02%-ის ოდენობით.

9.2 წინამდებარე ხელშეკრულების 7.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0,02%-ის ოდენობით.

9.3 წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული ვადის დარღვევის შემთხვევაში შემსყიდველი უფლებამოსილია განუსაზღვროს მიმწოდებელს საქონლის მოწოდებისათვის დამატებით ვადა არაუმეტეს 7 (შვიდი) კალენდარული დღისა, რა ვადაშიც მიმწოდებელი ყოველ ვადაგადაცილებულ დღეზე იხდის, პირგასამტეხლოს ხელშეკრულების საერთო ღირებულების 0.02%-ის ოდენობით.

9.4 იმ შემთხვევაში, თუ ხელშეკრულების 9.1 პუნქტის შესაბამისად მიმწოდებლისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 პროცენტს ან მიმწოდებელი ვერ შეძლებს ხელშეკრულების 9.3 პუნქტით განსაზღვრულ დამატებით ვადაში საქონლის მოწოდებას, შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების 10%-ს ოდენობით.

9.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

11.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

12. ხელშეკრულების შეწყვეტა

12.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. გარანტია

13.1 საქონელზე ვრცელდება გარანტია მიღება-ჩაბარების აქტის გაფორმებიდან 1 (ერთი) წლის განმავლობაში. საგარანტიო პერიოდის განმავლობაში რაიმე სახის ნაკლის, ხარვეზის, ქარხნული წუნის აღმოჩენის შემთხვევაში მიმწოდებელი ვალდებულია შეცვალოს საქონელი ახლით, შემსყიდველის მოთხოვნიდან არაუგვიანეს 15 (თხუთმეტი) სამუშაო დღის ვადაში; თუ შეუძლებელია წუნდებული საქონლის შეცვლა მიმწოდებელი ვალდებულია არაუგვიანეს 2 (ორი) სამუშაო დღის ვადაში შესაბამის ანგარიშზე ჩაურიცხოს წუნდებული საქონლის ღირებულება.

14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს: საგარანტიო მომსახურების ნაწილში - ხელშეკრულების 13.1 ქვეპუნქტის შესაბამისად; ხელშეკრულების მე-9 მუხლი მოქმედებს ხელშეკრულების ფარგლებში მხარეთა მიერ ნაკისრი ვალდებულებების საბოლოო შესრულებამდე, ხოლო ყველა სხვა ნაწილში ხელშეკრულება მოქმედებს 2017 წლის 31 დეკემბრის ჩათვლით.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, მიმწოდებელს გადაეცემა ერთი და შემსყიდველთან რჩება ორი ეგზემპლარი.

17. მხარეთა რეკვიზიტები:

შემსყიდველი

სსიპ საჯარო რეესტრის ეროვნული სააგენტო,
წარმოდგენილი შესყიდვების სამსახურის
უფროსის ვახტანგ შავგულიძის სახით,
მისამართი: თბილისი, სანაპიროს №2
ტელეფონი: 291-05-17,
საბანკო რეკვიზიტები: ანგ: ხაზინის ერთიანი ანგარიში
GE24NB0330100200165022
სახელმწიფო ხაზინა
ბანკის კოდი: TRESGE22
საბაზინო კოდი: 707427078
ს/კ - 202238621

მიმწოდებელი

შპს „ფორსი“
წარმოდგენილი დირექტორის
ლამა ჯავახიშვილის სახით,
მისამართი: ქ. თბილისი, საქარის ქ. №13
ტელეფონი: 574 105380
საბანკო რეკვიზიტები:
ანგ. GE21PC0133600100061252
სს პროკრედიტ ბანკი
ბანკის კოდი: MIBGGE22
ს/კ - 401999432



საჯარო რეესტრის ეროვნული სააგენტო


NAT170009376

საჯარო რეესტრის ეროვნული სააგენტოს ბალანსზე რიცხული პრინტერებისათვის თავსებადი კარტრიჯების სახელმწიფო შესყიდვა

დანართი №1 - კარტრიჯების ჩამონათვალი, რაოდენობა და პარამეტრები

	საქონლის დასახელება და ტექნიკური მახასიათებელი	განზომილება ბის ერთეული	შესასყიდი რაოდენობა	წარმოშობის ქვეყანა, მწარმოებელი, მოდელი	ერთეულის ფასი (ლარი)	ჯამი
1	კარტრიჯი პრინტერი HP L.J. 1020/1018 - თვის (ბეჭდვის რესურსი 2 000 გვ.)	ცალი	300	ჩინეთი prime color image Q2612A	13.4	4020
2	კარტრიჯი პრინტერი HP L.J. 1005/1006- თვის (ბეჭდვის რესურსი 1 500 გვ.)	ცალი	200	ჩინეთი prime color image CB435A	13.4	2680
3	კარტრიჯი პრინტერი HP L.J. P 2014/2015, P 2727 mf -თვის (ბეჭდვის რესურსი 3 000 გვ.)	ცალი	100	ჩინეთი prime color image Q7553A	22	2200
4	კარტრიჯი პრინტერი HP L.J. P 1102 -თვის (ბეჭდვის რესურსი 1 500 გვ.)	ცალი	200	ჩინეთი prime color image CE285A	13.45	2690
5	კარტრიჯი პრინტერი Samsung Xpress m 2022 -თვის (ბეჭდვის რესურსი 1500 გვ.)	ცალი	100	ჩინეთი prime color image MLT-D111S	40	4000
6	კარტრიჯი პრინტერი Xerox Phaser 3020Bi (ბეჭდვის რესურსი 1500 გვ.)	ცალი	100	ჩინეთი prime color image X3020	45	4500
7	კარტრიჯი პრინტერი Lexmark MX410 de- თვის (ბეჭდვის რესურსი 10 000 გვ.)	ცალი	150	ჩინეთი prime color image 60F2H00	140	21000
8	კარტრიჯი პრინტერი Lexmark MS415 dn- თვის (ბეჭდვის რესურსი 10 000 გვ.)	ცალი	150	ჩინეთი prime color image 50F1X00	143.8	21570
9	კარტრიჯი პრინტერი HP L.J. M 603-თვის (ბეჭდვის რესურსი 10 000 გვ.)	ცალი	2	ჩინეთი prime color image CE390A	120	240
ჯამი დღგ-ს გათვალისწინებით						62900

დირექტორი ლ.ჯავახიშვილი



ხელწერილი ინტერესთა კონფლიქტის არარსებობის შესახებ

ქ. თბილისი

13 სექტემბერი, 2017 წ.

ვადასტურებ, რომ „სახელმწიფო შესყიდვების შესახებ“ საქართველოს კანონის მე-8 მუხლის თანახმად ტონერიანი კარტრიჯების სახელმწიფო შესყიდვაზე (NAT170009376) გასაფორმებელ ხელშეკრულებაში, არ ვიმყოფები ინტერესთა კონფლიქტში შპს „ფორსთან“.

ზაზა პეტრიაშვილი

